

# INDEX GEOGRAPHICUS.

65

Latit.  
Gr. Scr.

Longit.  
Gr. Scr.

Jezraël, &c. Salomone regnante. Jezraël est sub Præfecto Bana, 3. Reg. 4. v. 12. & 3. Reg. 21. v. 1. Vineam Naboth Jezraëlitæ, erat in Jezraël, quam cum Achab obtinere non posset, illius uxor Jezabel Naboth falsis testibus accusatum lapidavit. 4. Reg. 8. v. 29. Joram ejus filius à Syris vulneratus, reversus est in Jezraël, ut curaretur.

Jezraël in Tribus Judæ parte octava urbs sexta describitur, inter Jota & Jucadam.

Jeabarim, Israëlitarum statio in deserto, inter Oboth & torrentem Zared, Num. 21. v. 11. & 33. v. 44. 45. Jeabarim est inter Oboth, & Dibongad ad torrentem Zared.

Iim & Essem. In veteribus Bibliis scriptum est unica voce Humesem, ex quo Iim-Esem unica voce legimus, & inter viginti novem urbes primæ partis Tribus Judæ eam decimam nonam facimus, Jos. 15. v. 29. sed quæ postea in Tribum Simeonis transposita, quantum obtinet locum, inter urbes tredecim partis primæ hujus Tribus sub nomine Assem, Jos. 19. v. 3. V. Animadv. ubi Assem, & Asom, & Iim-Esem eadem urbs est.

Illyricum Regio, quæ ad dextram Danubii ripam Græciæ five Macedoniæ, & Thraciæ adjacet: & à Mari Adriatico ad usque Pontum Euxinum extenditur. Paulus in Epist. ad Romanos ait de se c. 15. v. 19. ita ut ab Jerusalem per circuitum usque ad Illyricum repleverim Evangelium Christi.

India. 3. Esdræ 3. v. 2. Rex Darius fecit cœnam magnam.... & Præfectis sub illo ab India usque Æthiopiam, centum viginti septem Provinciis. Esth. 1. v. 1. In diebus Assueri, qui regnavit ab India usque Æthiopiam super centum viginti septem Provincias. & 8. v. 9. (Assueri) Litteræ (in gratiam Judæorum) mittuntur ad Principes... & Judices, qui centum viginti septem Provinciis ab India usque ad Æthiopiam præfidebant. 13. v. 1. Rex maximus Artaxerxes ab India usque Æthiopiam centum viginti septem Provinciarum Principibus, & Ducibus, qui ejus imperio subjecti sunt, salutem. c. 16. v. 1. eadem repetuntur. Job 28. v. 1... sapientiam ait non in auro, non in argento, & in pretiosissimis etiam Indiæ quibusque rebus esse contendit.

Jobab, decimus tertius & ultimus filiorum Jectan, 1. Paral. 1. v. 23. Ipsum, ejusque posteros Medinam versus posuimus in Arabia Fœlici. V. Jectan.

Joppe (Hebræis Jaffa) inter urbes Tribus Dan, quas omnes recenset Josue 19. Joppe decimanona, & ultima nominatur; non quod sit earum minima, sed quod urbium nomina à Meridie incipiens, in Septentrione, ubi Joppe, finit; etenim Tribus Dan v. 46. cum termino, qui respicit Joppen, v. 47. in ipso fine concluditur. Urbs in edito saxo condita est, & sub urbe Portus, in quem ligna & lapides, è Libano, mari, indeque Jerosolymam, terrestri itinere, deferrebantur, ad Templi, Regiæque Domus structuram, 2. Paral. 2. Hic Jonas navem ascendit, ut fugeret in Tharsim: ibidemque, ut credere est, à cete evomitur est, & ad littus ejectus, ex Prophetia Jonæ c. 1. & 2. Judas Machab. Joppen, in qua Apollonii custodia erat, oppugnavit, cepitque, 1. Mach. 10. In ea Petrus Tabitham à mortuis suscitavit, Act. 9. & multos dies apud Simonem coriarium moratus, ibid. Linteum ab cœlo demissum, & omni animantium genere refertum videns, gentes ad Evangelii gratiam recipendas esse cognovit, Act. 10.

Jordanis maximus est, & pene unicus totius Terræ Promissæ, five Judææ fluvius, cum reliqui omnes potius Torrentes, quàm Fluvii dicendi. Fontes habet sub Libano monte, & à Septentrione in Meridiem fluens, Aquas Merom, & Mare Galilææ prætergressus, aquas suas amœnissimas, & sa-

31. 17. 66. 37. 1/2

30. 40. 67. 30.

31. 22. 65. 29.

47. 30. 77. 38.

30. 0. 100. 0.

25. 20. 71. 0.

32. 6. 66. 2.

32. 0. 67. 20.